

# NJIHOVI SNOVI TREBAJU NAŠU PODRŠKU.

## Šta je program Njihovi snovi trebaju vašu podršku?

Njihovi snovi trebaju vašu podršku je program podrške najranjivijoj djeci koji pojedincima i kompanijama omogućava da se aktivno uključe u živote djece koja u sred siromaštva sanjaju o boljoj budućnosti. Uključenjem u program postajete Čuvari dječijih snova i svojim doprinosom osiguravate da ranjiva postanu mlada generacija inovativnih i poduzetnih ljudi.

## Ko su stipendisti programa?

Prema Agenciji za statistiku BiH, svako peto dijete u BiH je na evidenciji jednog od centara za socijalni rad, što znači da nemaju redovne obroke i zadovoljavajući smještaj, te im nedostaju potrebni uslovi za obrazovanje i izgradnju životnih vještina. Pored toga, ova djeca nemaju jednakе prilika za razvoj što kasnije rezultira nemogućnošću djeteta da zasnuje kvalitetne odnose, pronađe odgovarajuće zaposlenje u odrasloj dobi i izade iz začaranog kruga materijalnog i duhovnog siromaštva.

## Šta omogućava stipendija?

- Zadovoljavanje osnovnih potreba djeteta: prevoz do škole, odjeća i obuća, školski pribor i udžbenici, higijenski pribor i užina,
- Razvijanje životnih vještina i talenata: kursevi, sportske aktivnosti, ekskurzije i škole u prirodi, ljetni kampovi i druge aktivnosti koje potiču razvijanje životnih vještina.

## Kako postajete Čuvar?

Već nakon prve donacije, Vi pokrećete promjenu u životu jednog djeteta i postajete Čuvar dječijih snova. Prvom uplatom u program Njihovi snovi trebaju vašu podršku osiguravate dan, sedmicu ili mjesec bez brige za jedno dijete!

Uplatom, ili jednostavnim upitom putem elektronske pošte osiguravate da stupite u kontakt sa osobljem World Vision-a koje će Vam pružiti dodatne informacije o programu, djetetu koje koje pomažete i potrebama koje ono ima.

Ana (12) ide u osnovnu školu, ali **posebno voli muziku i ples**. Ana živi na selu i svakodnevno do škole putuje 20 kilometara. Nedostatak prilika u mjestu gdje stanuje i poteškoće u razvoju sa kojima se Ana svakodnevno bori, uskratili su joj mogućnost da istraži svoj potencijal.



## Ko može postati Čuvar dječijih snova?

- Fizička ili pravna lica
- Pojedinci ili grupe građana koji od svog ličnog dohotka izdvajaju jedan dio od sume 95 KM koliko iznosi mjesечna uplata stipendije
- Pojedincikoj su zainteresovani da djelimičnim stipendiranjem, budu čuvari dječijih snova. U ovom slučaju World Vision BiH udružuje stipendije većeg broja građana do iznosa mjesечne stipendije od 95 KM

## Šta se događa nakon što postanem Čuvar!?

World Vision Vas, nakon prve uplate, informiše o djetetu koje stipendirate sami ili sa grupom građana.

Osobe koje odluče djeci pružiti dugoročnu podršku potpisuju Ugovor o stipendiranju, koji definira obaveze World Vision-a BiH, a koji za sponzora ima simboličnu vrijednost, te se na Vašu želju u svakom trenutku može prekinuti.

Nakon što potvrdite odluku o stipendiranju, naše osoblje obilazi porodicu u kojoj živi jedno od ranjive djece i sa njegovim ili njenim roditeljima/starateljima potpisuje Ugovor o stipendiranju. Nakon toga, dijete sa roditeljima, a uz našu stručnu pomoć, pravi prvi Kvartalni interventni plan (KIP) u kome detaljno opisuju prioritetne potrebe koje dijete ima. Za sve ovo nam treba nekoliko dana nakon što nam se javite!

Program *Njihovi snovi trebaju Vašu podršku* jedinstven je u BiH jer kreira krug odgovornosti: potpisivanjem ugovora, dijete i njegov ili njen roditelj/staratelj preuzimaju odgovornost za zadovoljenje potreba i razvoj vještina djeteta, dok se World Vision BiH obavezuje na redovne obilaske djeteta i porodice, praćenje njegovog ili njenog razvoja, te uvezivanje sa lokalnim sistemima stručne podrške gdje je ona neophodna.

Pored redovnih posjeta, na kraju svakog kvartala World Vision BiH osoblje posjećuje djecu i pomaže njima i njihovim roditeljima ili starateljima da popune svoj Kvartalni izvještaj o potrošnji stipendije (KIPS). Roditelj/staratelj je dužan računima opravdati svaki trošak, a koji će prije toga biti prikazan u Kvartalnom interventnom planu, te će sponzor na potpuno transparentan način imati uvid u utrošku svoje donacije. Pored toga, World Vision BiH osoblje bilježi svoja zapažanja i kreira izvještaj o napretku djeteta o čemu informira sponzora.

Vaša odluka da postanete Čuvar dječijih snova može značiti ispunjenje sna jednom djetetu koje se nalazi na dugo listi naše djece koja čekaju svog Čuvara ili Čuvaricu iz snova.

## Koliko dugo sam obavezan davati podršku!?

Svjesni da čin darivanja i doniranja dolazi iz srca, mi želimo da to tako i ostane. Podrška koju pružate je dobrodošla u onoj mjeri u kojoj je možete pružiti i mi smo Vam na tome zahvalni. Vrijeme tokom kojeg pružate podršku je ograničeno samo Vašim mogućnostima i željama, i ukoliko to želite, program *Njihovi snovi trebaju vašu podršku* možete napustiti u bilo kojem trenutku.

## Kako možete vršiti uplate?

Želimo da Vam, koliko god je moguće, pojednostavimo proces uplaćivanja stipendije (bilo da se radi o djelimičnoj ili punoj stipendiji), te smo za Vas pripremili razne modalitete uplata, pri čemu ćete Vi svakako izabrati način koji Vama najviše odgovara.

1. Putem elektronskog plaćanja na našoj oficijelnoj web stranici [www.worldvision.ba](http://www.worldvision.ba), na linku <https://worldvision.ba/doniraj-njihovi-snovi-trebaju-vas-u-podrsku/>.
2. Uplata na naš ūro-račun u Raiffeisen banci dd Sarajevo na transakcijski račun World Vision International u BiH: 161000000000011, referenca 030001416-4.
3. Otvaranjem trajnog naloga u Vašoj matičnoj banci i dodjeljivanje mjesecnog iznosa, onoliko koliko ste u mogućnosti izdvojiti. Trajni nalog možete otvoriti putem Vašeg elektronskog bankarstva ili direktno u banci.

## Mogu li upoznati dijete koje stipendiram!?

World Vision BiH se u svom radu pridržava strogih standarda zaštite djece i odraslih korisnika, na što nas obavezuju i zakon o zaštiti informacija, kao i naše interne politike.

Prilikom uključivanja djece u program stipendiranja, mi ćemo od njihovih roditelja dobiti odgovarajuće saglasnosti, ali ovo ne podrazumijeva dijeljenje svih ličnih podataka koje prikupimo sa trećom stranom, u cilju zaštite privatnosti i sigurnosti ove djece. Sponzori će dobiti prvo ime djeteta, godine starosti, informaciju gdje dijete živi (ali ne tačnu adresu) i sažetak o porodičnoj situaciji, uslovima u kojima žive i potrebama i željama djeteta.

Ukoliko sponzor izrazi želju da posjeti porodicu i upozna dijete, World Vision će upriličiti susret uz prisustvo našeg osoblja, na neutralnom terenu, i na način koji osigurava da su ispoštovane sve mjere zaštite. Također, sponzor se može u svako doba obratiti World Vision-u sa bilo kakvim upitima vezanim za dijete ili porodicu, na koje ćemo odgovoriti u najkraćem mogućem roku.

Kroz redovne kontakte putem pisama i fotografija djece koju stipendirate, možete vidjeti konkretni učinak koji vaša podrška daje za bolji život djece i njihovo sretnije odrastanje i obrazovanje.

Zlatan (12) sa radošću ide u osnovnu školu jer je tamo okružen drugarima. Posebno voli **sport i sportske igre sa prijateljima**.

**O Zlatanu se brinu baka i djed koji nisu u mogućnosti pružiti mu sve** što je potrebno jednom razigranom dječaku. Zlatan stoga **nije imao priliku razvijati svoje talente** i istražiti ono u čemu je najbolji.

